

棗強縣志卷第十

陽湖楊元錫

同纂

蕭縣任銜蕙

學校志

學宮

縣學在縣治東中為大成殿九間露臺前有栢樹九槐樹一碑記五東西兩廡各七間前為戟門三間戟門左右為東西角門戟門前為泮池有橋又前為櫺星門三楹又前左右曰金聲玉振二門各有下馬牌一通又前為照壁繚垣周焉

銜蕙

謹案舊志棗邑儒學於金天會十年創立明洪

武九年知縣李源清廣拓永樂二年知縣趙禮重修成化十七年知縣史英重修立提調教官科貢題名碑於學內教諭潘偉撰記二十三年知縣應傑重修始鑿泮池宏治八年知縣張環修大成殿三間東西廡各五間戟門三間櫺星門三座明倫堂五間進德修業齋各五間官師宅三所今併為二皆在堂西撰記立石嘉靖四年知縣陳言重修明倫堂鑿井置亭久少廢卿甘陵孫緒撰記十年更文廟為

先師廟門為廟門易封號撤像題木主十四年建敬一亭立敬一箴及視聽言動心五箴石於內三十七年教諭范紳以學宮舊植槐樹不榮悉易以栢訓導方

麟撰記隆慶二年知縣王淑陵建更衣所宰牲所各
三間於學東廢學東復開夾道南爲大門北建敬敷
文教坊與西夾道樂育英才坊相對學之大門東建
萃龍坊書歷科進士姓名西建附鳳坊書歷科舉人
姓名廢今俱萬曆十七年知縣石岩重修四十三年知
縣鄭陞重修正殿知縣王鶴齡以工多未竟乃濬泮
池重修櫺星門更衣所於月臺櫺星門外置柵欄教
諭胡來順撰二記

國朝順治十四年知縣張鳳起何之圖重修正殿兩廡
吏部侍郎梁清寬撰記康熙三十六年知縣王友直
拓外垣建戟門爲三又東西各建角門乾隆十七年

棗強縣志卷十 學校志

二

知縣單作哲重修櫺星門於照壁內改建東西二門
東曰金聲西曰玉振學東夾道建南北二門南曰成
賢北曰毓秀三十七年 先君子仕此捐俸重修作
文記之迄今又三十餘年矣蓋棗學創修節次於是
略可考云

謹案學記古之教者家有塾黨有庠術有序國有學
周禮州長春秋以禮會民而射於州序鄭註序州黨
之學也前漢書食貨志曰序以明教庠以行禮而視
化焉漢文翁爲蜀郡守仁愛教化修起學官於成都
市中招下縣子弟以爲學官弟子繇是大化蜀地學
於京師者比齊魯焉至武帝時乃令天下郡國皆立

學校官自文翁爲之始也元帝時郡國置五經百石卒史平帝元始三年立學官郡國曰學邑侯國曰校校學置經師一人班固東都賦曰四海之內學校如林是也後魏獻文帝天安初立鄉學郡置博士二人助教二人學生六十人郡縣學始於此矣唐武德七年詔諸州縣及鄉並令置學宋仁宗卽位之初命藩輔皆得立學其後諸旁郡多願立學者詔悉可之由是學校之設遍天下安定先生胡瑗自慶厯中教學蘇湖二十餘年東脩弟子前後以數千計有經義齋擇疏通有器局者居之有治事齋人各治一事又兼一事加邊防水利之類故爲政多適於世用若老於

吏事者歐陽永叔詩云吳興先生富道德誥誥子弟皆賢才王介甫詩云先收先生作梁柱以次收拾楠與榱慶厯四年詔州縣皆立學於是取先生之法爲學著爲令焉元因宋制置諸路州學官前明天下府州縣衛皆建儒學明史選舉志云無地而不設之學無人而不納之教矣

國朝尊崇

聖道薄海內外儒教振興况棗邑地隸

京畿學校之設尤當廣其激勸之道不特士習日趨於正學而民風亦日進於敦龐矣是在良有司與司教者加意焉

大成殿正中奉

至聖先師孔子位南面恭懸

聖祖仁皇帝御書萬世師表匾額

世宗憲皇帝御書生民未有匾額

高宗純皇帝御書與天地參匾額

皇上御書聖集大成匾額

謹案古者釋奠釋菜詳於禮經此成周祀舜禹湯文
之禮也史記漢高祖十二年過魯以太牢祀孔子此
尊聖之始平帝元始初追謚孔子曰褒成宣尼公光
武建武五年幸魯使大司空祠孔子十月營建太學
靈帝光和元年置鴻都門學畫孔子及七十二弟子

像魏正始七年以太牢祀孔子于辟雍以顏淵配齊
武帝永明三年釋奠用元嘉故事設軒懸之樂六佾
之舞牲牢器用悉依上公隋制國子寺每歲四仲月
上丁釋奠大業中以孔子爲先聖顏回爲先師唐武
德中以周公爲先聖孔子配享詔國子學立周公孔
子廟各一所貞觀二年停祭周公升孔子爲先聖以
顏回配乾封元年追贈孔子爲太師天授元年封孔
子爲隆道公開元二十七年詔以夫子旣稱先聖可
追謚爲文宣王令三公持節冊命其後嗣褒聖侯改
封嗣文宣王昔周公南面夫子西坐今位旣有殊豈
宜依舊宜補其墜典永作成式其兩京國子監及天

下諸州夫子南面坐十哲等東西行列侍宋初修先聖及亞聖十哲塑像七十二賢及先儒二十一人皆畫像於東西廊之板壁太祖親撰先聖及亞聖贊從祀賢哲先儒並命當時文臣爲之贊大中祥符五年詔謚先聖爲至聖文宣王天禧元年以文宣王四十六代孫聖佑襲封文宣公至和二年詔封孔子後爲衍聖公神宗崇寧四年八月詔從國子司業蔣靜之請加冕十二旒服九章其執圭立戟乞並從王者制度紹興十年詔與大社大稷並爲大祀元武宗至大元年秋七月詔加號先聖曰大成至聖文宣王明洪武十五年新建太學成帝親詣釋奠又詔天下通祀

孔子并頒釋奠儀注每歲春秋仲月上丁日行事正統三年禁天下祀孔子於釋老宮成化十二年加樂舞爲八佾籩豆各十二宏治九年加樂舞爲七十二人如天子之制嘉靖九年從張璁議撤塑像立木主去王號題至聖先師孔子樂舞六佾大成殿爲先師廟改大祀爲中祀我

朝順治二年定每歲春秋仲月上丁日府州縣各行釋奠禮與太學儀同典禮隆備至此無以復加矣

四配東位

復聖顏子

名回字子淵魯人魏正始七年觀亭隋稱先師唐總章元年贈太子少師配享開元八年

稱亞聖二十七年贈兗公宋大中祥符元年追封兗國公元至順元年加封兗國復聖公明嘉靖九年改

稱復聖
顏子

述聖子思子

名伋字子思宋崇寧元年追封沂水侯大觀二年從祀咸淳三年封沂國公配享元至順元年加封沂國述聖公明嘉靖九年改稱述聖子思子

四配西位

宗聖曾子

名參字子輿魯南武城人唐總章元年贈太子少保配享開元八年列於十哲之次二十七年贈郕伯宋大中祥符元年追封瑕邱侯政和元年改封武城侯咸淳三年封郕國公配享元至順元年加封郕國宗聖公明嘉靖九年改稱宗聖曾子

亞聖孟子

名軻字子輿鄒人宋元豐六年封鄒國公七年同顏子配享先聖元至順元年加封鄒國亞聖公明洪武五年罷配享踰年復之嘉靖九年改稱亞聖孟子

十二哲東位

先賢閔子

名損字子騫魯人唐開元八年從祀二十七年贈費侯宋大中祥符元年追封琅琊公咸

東強縣志卷十

學校志

六

淳三年封費國公明嘉靖九年改稱先賢

先賢冉子

名雍字仲弓伯牛之宗族魯人唐開元中從祀贈薛侯宋封下邳公加封薛國公

先賢端木子

名賜字子貢衛人唐開元中從祀贈黎侯宋封黎陽公加封黎國公

先賢仲子

名由字子路魯卞人唐開元中從祀贈衛侯宋封河內公加封衛國公

先賢卜子

名商字子夏衛人唐貞觀二十一年從祀開元中贈魏侯宋封河東公加封魏國公

先賢有子

名若字子有魯人唐從祀在七十子之列贈卞伯宋封平陰侯明改今稱國朝乾隆三年升配十哲之次

十二哲西位

先賢冉子

名耕字伯牛魯人唐開元中從祀贈鄆侯宋封東平公加封鄆國公

先賢宰子

名予字子我魯人唐從祀贈齊侯宋封臨淄公加封齊國公

先賢冉子

名求字子有仲弓之族唐從祀贈徐侯宋封彭城公加封徐國公

先賢言子

名偃字子游吳人唐從祀贈吳侯宋封丹陽公加封吳國公

先賢顓孫子

名師字子張陳人唐從祀在七十子之列第二贈陳伯宋封宛邱侯後改顓川侯咸

淳三年封陳國公升十哲位

先賢朱子

名熹字元晦後改仲晦婺源人宋紹興十八年進士孝宗光宗時歷知南康軍漳潭諸州

寧宗時除煥章閣待制侍講諡曰文理宗時贈太師追封信國公改封徽國公從祀明崇禎十五年改稱

先賢 國朝康熙五十一年升配十哲之次

謹案文廟配位唐以前惟顏子一人北齊有拜孔揖

顏之禮貞觀初定議以顏子配享二十一年詔以左

邱明卜子夏公羊高穀梁赤伏勝高堂生戴聖毛萇

孔安國劉向鄭眾杜子春馬融盧植鄭康成服子慎

何休王肅王輔嗣杜元凱范甯賈逵等二十二人為

棗強縣志卷十 學校志

七

配而七十子不與焉總章元年以顏曾並配至開元

八年始以顏子閔子騫冉伯牛仲弓宰我子貢冉有

季路子游子夏為十哲曾子居十哲之次塑坐像配

享因圖畫七十子於廟壁二十七年贈顏子為公閔

子以下九人為侯曾子以下七十子為伯後唐長興

三年設七十二賢豆爵陳醢醢諸物以祭宋真宗大

中祥符元年進十哲為公會子以下七十子為侯左

邱明以下二十一人為伯子夏已入十哲故云二十一人神宗元豐

六年封孟子為公七年配享大觀二年詔躋子思從

祀度宗咸淳三年以顏曾思孟為四配進顓孫子為

十哲元文宗至順元年加顏子復聖曾子宗聖子思

述聖孟子亞聖明嘉靖九年四配稱復聖顏子宗聖
曾子述聖子思子亞聖孟子十哲以下凡及門弟子
皆稱先賢某子左邱明以下皆稱先儒某子並罷公
侯伯之稱

國朝康熙五十一年升朱子入廟配享乾隆三年升有
子入東位卜子之次移朱子於西位顓孫子之次

東廡從祀先賢三十九位

先賢蘧瑗字伯玉衛人唐開元從祀贈衛伯宋加內黃
侯明嘉靖九年改祀於鄉賢雍正二年復祀

先賢澹臺滅明字子羽武城人唐從祀
贈江伯宋加金鄉侯

先賢原憲字子思宋人唐從祀
贈原伯宋加任城侯

先賢南宮适字子容魯人唐從祀
伯宋加龔邱侯政和元年改封汶陽侯

棗強縣志卷十 學校志

先賢商瞿字子木魯人唐從祀
贈蒙伯宋加須昌侯

先賢漆雕開字子開家語字子若蔡人唐
從祀贈滕伯宋加平輿侯

先賢司馬耕字子牛宋人唐從祀
宋加楚邱侯改封雜陽侯

先賢梁鱸字叔魚齊人唐從祀
贈梁伯宋加千乘侯

先賢冉孺家語作儒字子魯一作子魚魯
人唐從祀贈紀伯宋加臨沂侯

先賢伯虔字子析家語字子楷魯人唐
從祀贈聊伯宋加沐陽侯

先賢冉季字子產魯人唐從祀贈
東平伯宋加諸城侯

先賢漆雕徒父字子有又字子期家語作漆雕徒字子
文蔡人唐從祀贈須句伯宋加高苑侯

先賢漆雕哆字子欽魯人家語作漆雕侈唐
從祀贈武城伯宋加濮陽侯

先賢公西赤字子華魯人唐從祀
贈郟伯宋加鉅野侯

先賢任不齊字子選楚人唐從祀贈
任城伯宋加當陽侯

先賢公良儒 字子正陳人唐從祀贈

先賢公肩定 家語作公肩字子仲史記作公堅定字子中魯人或曰晉人唐從祀封新田伯宋加

梁父侯

先賢鄒單 字子家魯人唐從祀贈

先賢罕父黑 字子索家語字子黑魯人唐從祀贈乘邱伯宋加祁鄉侯

先賢榮旂 字子祺魯人唐從祀贈

先賢左人郢 家語作左郢字子行魯人唐從祀贈臨淄伯宋加南華侯

先賢鄭國 字子徒魯人家語作薛邦字子從唐從祀贈榮陽伯宋加胸山侯

先賢原亢 家語作原桃字子籍魯人唐從祀贈萊蕪伯宋加樂平侯

先賢廉潔 字子庸家語字子曹衛人唐從祀贈莒父伯宋加胙城侯

先賢叔仲會 字子期魯人唐從祀贈

棗強縣志卷十 學校志

九

先賢公西與 家語作公西與字子上魯人唐從祀贈重邱伯宋加臨胸侯

先賢邾莒 家語作邾選字子欽魯人唐從祀贈平陸伯宋加高堂侯

先賢陳亢 字子禽陳人唐從祀贈穎伯宋加南頓侯

先賢琴張 字子開亦字子張論語家語作琴牢衛人唐從祀宋夫牢祀張唐贈南陵伯宋加陽平侯

先賢步叔乘 字子車齊人家語史記諸書皆作步廣韻注云孔子弟子有少叔乘係複姓唐從祀

贈淳于伯宋加博昌侯

先賢秦非 字子之魯人唐從祀贈

先賢顏喟 字子聲魯人唐從祀贈

先賢顏何 字冉家語字稱魯人唐從祀贈開陽伯宋加堂邑侯明嘉靖九年罷祀 國朝雍正二年

復祀

先賢懸竄 字子象 國朝雍正二年從祀

先賢樂正克 孟子門人周人宋政和五年封利國侯

先賢萬章 孟子門人宋政和五年封博興伯

先賢周敦頤 字茂叔道州營道人以舅龍圖閣學士鄭

桂陽令歷合州判官通判虔州熙寧初知郴州轉廣

東轉運判官提點刑獄以疾求知南康軍嘉定十三

先賢程顥 字伯淳河南人舉進士調鄆上元主簿為晉

行出提點京西刑獄改僉書鎮寧軍判官監太常丞

判武學罷歸哲宗立召為宗正丞未行卒嘉定十三

先賢邵雍 字堯夫河南人嘉祐詔求遺逸薦授將作監

之官熙寧十年卒贈秘書省著作郎元祐中賜謚

先儒公羊高 齊人周末受春秋於卜子夏唐貞觀二十

瓊強縣志卷十 學校志 十

嘉靖九年改稱先儒

先儒伏勝 濟南人秦博士漢文帝時詔太常使掌故朝

祥符元年封乘氏伯明改稱先儒

先儒董仲舒 廣川人漢景帝時為博士武帝時為江都

相元至順元年從祀明成化二年追封廣

先儒后蒼 字近君東海鄆人漢武帝時為博士從孟卿

年從祀

先儒杜子春 河南緱氏人漢哀帝時受周官於劉歆唐

貞觀二十一年從祀宋大中祥符元年封

先儒諸葛亮 字孔明南陽人蜀漢昭烈帝相封武

先儒王通 字仲淹晉陽人隋大業中屢徵不起教授河

先儒范仲淹字希文吳縣人舉進士宋仁宗時參知政事諡文正國朝康熙五十四年從祀

先儒歐陽修字永叔廬陵人舉進士試南宮第一擢甲

先儒楊時字中立南劍將樂人宋熙寧九年甲進士第

先儒羅從彥字仲龜山先生明宏治八年封將樂伯從祀

先儒李侗字愿中延平人從羅從彥學累年從祀

先儒呂祖謙字伯恭其先萊州人宋南渡為金華人舉

先儒蔡沈字仲默建陽人元定季子也少從朱子游後

正統二年追封崇安伯

先儒陳淳字安卿漳州龍溪人宋嘉定十年以特奏恩

先儒魏了翁字華父邛州蒲江人宋慶元五年登進士

先儒王栢字會之金華人宋理宗時聘為麗澤上蔡

先儒趙復字仁甫德安人宋末講授太極

先儒許謙字益之金華人元成宗時中外論薦皆不就

先儒吳澄字幼清撫州崇仁人元成宗時以薦擢應奉

先儒胡居仁字叔心餘干人明成宏時人絕意仕進

棗強縣志卷十

學校志

士

正統二年從祀成化

先儒陳淳字安卿漳州龍溪人宋嘉定十年以特奏恩

先儒魏了翁字華父邛州蒲江人宋慶元五年登進士

先儒王栢字會之金華人宋理宗時聘為麗澤上蔡

先儒趙復字仁甫德安人宋末講授太極

先儒許謙字益之金華人元成宗時中外論薦皆不就

先儒吳澄字幼清撫州崇仁人元成宗時以薦擢應奉

先儒胡居仁字叔心餘干人明成宏時人絕意仕進

先儒胡居仁字叔心餘干人明成宏時人絕意仕進

先儒胡居仁字叔心餘干人明成宏時人絕意仕進

先儒胡居仁字叔心餘干人明成宏時人絕意仕進

先儒王守仁 字伯安餘姚人明世宗時封新建伯歷官兵部尚書兩廣總督謚文成贈侯萬曆十

二年 從祀

先儒羅欽順 字允升泰和人明宏治六年進士及第授部尚書乞歸改禮部尚書又改吏部再辭許致仕贈太子太保謚文莊 國朝雍正二年從祀

西廡從祀 先儒三十八位

先賢林放 字子邱魯人唐從祀開元二十七年贈清河

先賢公哲哀 字季次齊人唐從祀北海侯

先賢高柴 字子羔齊人唐從祀

先賢公冶長 字子長史記曰齊人家語曰魯

先賢宓不齊 字子賤魯人唐從祀

先賢公冶長 字子長史記曰齊人家語曰魯

先賢高柴 字子羔齊人唐從祀

棗強縣志卷十 學校志

先賢樊須 字子遲魯人康成曰齊人唐

先賢商澤 字子季唐從祀贈平侯

先賢巫馬施 字子季唐從祀贈平侯

先賢顏辛 字子柳魯人唐從祀

先賢曹卹 字子循蔡人唐從祀

先賢公孫龍 字子季唐從祀贈平侯

先賢秦商 字子季唐從祀贈平侯

先賢顏高 字子季唐從祀贈平侯

先賢壤駟赤 字子季唐從祀贈平侯

先賢石作蜀 字子季唐從祀贈平侯

先賢公夏首 字子季唐從祀贈平侯

先賢后處字子里家語作石處字里之齊人

先賢奚容蒧唐從祀贈營邱伯宋加膠東侯

先賢顏祖家語作顏相字子襄魯人唐從祀贈臨沂伯宋加富陽侯

先賢句井疆字子疆衛人唐從祀贈淇陽伯宋加滎陽侯

先賢秦祖字子南秦人唐從祀贈少梁伯宋加鄆城侯

先賢縣成字子橫史記字子祺魯人唐從祀贈鉅野伯宋加武城侯

先賢公祖句茲家語作公祖茲字子之魯人唐從祀贈期思伯宋加卽墨侯

先賢燕伋字子思家語名級石室圖曰秦人一日魯人唐從祀贈漁陽伯宋加汧源侯

先賢樂欬字子聲魯人家語作樂欣唐從祀贈昌平伯宋加建城侯

先賢狄黑字子哲衛人唐從祀贈臨濟伯宋加林慮侯

先賢孔忠字子茂孟皮之子家語作孔弗唐從祀贈汶陽伯宋加鄆城侯

東強縣志卷十 學校志

先賢公西蒧字子尚史記字子上魯人唐從祀贈祝阿伯宋加徐城侯

先賢顏之僕字子叔魯人唐從祀贈東武伯宋加宛句侯

先賢施之常字子恒魯人唐從祀贈乘氏伯宋加臨濮侯

先賢申枏字子周魯人家語作申績史記作申黨唐從祀贈魯伯宋加文登侯

先賢左邱明中都人魯太史唐貞觀二十一年從祀宋大中祥符元年封瑕邱伯大觀四年改封

中都伯明嘉靖九年改稱先賢

先賢秦冉字開唐從祀贈彭衙伯宋加新息侯明嘉靖九年罷祀 國朝雍正二年復祀

先賢牧皮國朝雍正二年從祀

先賢公都子孟子門人宋大觀五年追封平陰伯 國朝雍正二年從祀

先賢公孫丑孟子門人宋大觀五年追封壽光伯 國朝雍正二年從祀

先賢張載字子厚長安人宋舉進士為祁州司法參軍雲巖令熙寧初召為崇文院校書移疾居齋

山下詔知太常禮院卒贈館職半時世稱橫渠先生
嘉定十三年諡曰明淳祐元年封郟伯從祀明嘉靖
九年改稱先儒
崇禎中稱先賢

先賢程頤字正叔宋治平元豐間屢薦不起哲宗初召
京國子監加直秘閣世稱為伊川先生嘉定十三年
諡曰正淳祐元年封伊陽伯從祀元至順元年加封
洛國公明嘉靖九年改
稱先儒崇禎中稱先賢

先儒穀梁赤曾人周末受春秋於卜子夏唐貞觀二十
和元年改封雜陵

伯明改稱先儒

先儒高堂生字伯魯人漢初傳士禮十七篇唐貞觀二
十一年從祀宋封萊蕪伯明改稱先儒

先儒孔安國孔子十一世孫漢臨淮太守唐貞觀二
十一年從祀宋封曲阜伯明改稱先儒

先儒毛萇趙人漢河間獻王博士唐貞觀二十
一年從祀宋封樂壽伯明改稱先儒

先儒鄭康成北海高密人漢獻帝時以大司農徵唐貞
觀二十一年從祀宋大中祥符元年封高

棗強縣志卷十 學校志

西

密伯明嘉靖九年改祀於
鄉國朝雍正二年復祀

先儒范甯字武子鄆陵人東晉孝武帝時封陽遂鄉侯
終豫章太守唐貞觀二十一年從祀宋大中

祥符元年封鉅野伯明嘉靖九年
改祀於鄉國朝雍正二年復祀

先儒韓愈字退之河南南陽人唐貞元時擢進士第憲
宗時刑部侍郎諫迎佛骨貶潮州刺史改袁

州召拜國子祭酒轉兵部侍郎更部侍郎長慶四年
卒贈禮部尚書諡曰文宋元豐七年封昌黎伯從祀

先儒胡瑗字翼之泰州海陵人宋仁宗嘉祐初擢太子
中允天章閣侍講諡文昭明嘉靖九年從祀

先儒司馬光字君實陝州夏縣人宋仁宗寶元初中進
士甲科哲宗時拜尚書左僕射兼門下侍

郎贈太師溫國公諡
文正咸淳三年從祀

先儒尹焞字彥明洛人宋靖康初賜號和靖處士紹興
四年召為崇政殿說書以疾辭八年除秘書

少監直徽猷閣侍經筵進太常少卿權禮部侍郎兼
侍講九年致仕十二年卒國朝雍正二年從祀

先儒胡安國字康侯建寧崇安人宋紹聖四年廷對第
三紹興元年除中書舍人兼侍講五年除

徽猷閣待制知永州復進寶文閣直學士謚文

先儒張栻字敬夫綿竹人宋高宗時以廕補官孝宗召

謚日宣景定二年從祀

先儒陸九淵字子靜撫州金谿人宋孝宗乾道八年進

門軍謚文安學者稱象山

先儒黃榘字直卿閩縣人宋寧宗時授迪功郎監台州

安豐軍知安慶府改知和州乞祠歸沒後數

先儒真德秀字景元後改景希浦城人宋慶元五年進

年遷博士二年遷秘書郎歷湖南安撫使理宗即位

福州召為戶部尚書拜參知政事謚文忠

先儒何基字子恭金華人宋度宗咸淳初授史館校勘

東強縣志卷十 學校志

正二年 從祀

先儒陳澹字可大邵昌人宋末教授鄉

先儒金履祥字吉父蘭谿人宋德祐初召為史館編校

正中謚文安 國朝

先儒許衡字仲平河內人元世祖時國子祭酒除中書

大德二年贈司徒謚文正至大二年加太傅

先儒薛瑄字德溫河津人明永樂十八年舉河南鄉試

禮部侍郎兼翰林院學士入閣預機務天順

先儒陳獻章字公甫新會人舉正統十二年鄉試明憲

歷十二年從 祀追謚文恭

先儒蔡清字介夫晉江人明成化十三年鄉試第一成

國子監祭酒命下已卒萬曆中贈禮部
右侍郎謚文莊 國朝雍正二年從祀

先儒陸隴其 字稼書平湖人康熙庚戌進士歷官監察御史雍正二年從祀乾隆元年贈內閣學

士禮部侍郎謚清獻

謹案史記家語所載先賢皆七十七人史記載公伯
寮秦冉鄒單三人家語不載而別有琴牢陳亢縣亶
當此三人之數杜氏通典文獻通考則八十三人乃
加入蘧瑗林放陳亢申枏琴牢琴張六人餘與史記
同史記弟子列傳云受業身通者七十有七人自顏
子至公孫子石三十五人頗有年名及受業聞見於
書傳其四十二人無年不見書傳姓名僅存唐會要
載七十七人而開元禮止七十二人又復不一宋以

棗強縣志卷十 學校志

六

琴張卽琴牢釐去其一宋史禮志大中祥符二年議
臣斷以七十二子之說取琴張等五人而去公夏首
后處公肩定顏祖鄒單罕父黑秦商原抗樂欬廉潔
十人崇寧五年仍復從祀皆贈侯爵明嘉靖九年以
申黨卽申枏去黨祀枏罷祀林放蘧瑗秦冉顏何公
伯寮五人

國朝雍正二年復林蘧秦顏四人祀又益以懸直牧皮
凡八十二人躋於殿者十三人配崇聖祠者二人東
廡所祀三十四人西廡所祀三十三人至左邱明與
宋儒周二程張朱邵六子乃明崇禎十五年始改稱
先賢位七十子下漢唐諸儒之上然僅及於國學至

我

朝康熙二十五年乃通行郡縣也先儒則宋元豐七年以荀况揚雄韓愈從祀淳祐元年以周敦頤張載程顥程頤朱熹從祀景定二年以張栻呂祖謙從祀咸淳三年以邵雍司馬光從祀元皇慶二年以許衡從祀明洪武二十八年以董仲舒從祀罷揚雄正統二年以胡安國蔡沈真德秀從祀八年以吳澄從祀宏治八年以楊時從祀嘉靖九年以后蒼王通歐陽修胡瑗陸九淵從祀罷荀况戴聖劉向賈逵馬融何休王肅王弼杜預吳澄十人以盧植鄭眾鄭康成服虔范甯各祀於其鄉隆慶五年以薛瑄從祀萬曆中以羅從彥李侗從祀十二年以陳憲章胡居仁王守仁從祀

國朝康熙五十三年以范仲淹從祀雍正二年以諸葛亮尹焞魏了翁黃榦陳淳何基王栢趙復金履祥許謙陳澔羅欽順蔡清陸隴其從祀并復鄭康成范甯祀乾隆二年復吳澄祀茲謹詳考氏籍封爵從祀之始庶知禮制之有由爾

崇聖祠在大成殿東北三間南向門一座繚垣周焉

謹案舊志明嘉靖十四年剏建啟聖祠三楹

國朝雍正元年追封叔梁公以上五代爲王爵更今名正位

肇聖王木金父公 正中 南向

裕聖王祁父公 中之東 南向

詒聖王防叔公 中之西 南向

昌聖王伯夏公 東之東 南向

啟聖王叔梁公 西之西 南向

東配位

先賢顏氏 名無繇字季路復聖顏子父唐開元二十七年封祀伯從祀孔廟宋大中祥符元年加封

曲阜侯明嘉靖九年配 享啟聖祠改稱先賢

先賢孔氏 名鯉字伯魚述聖子思子父宋崇寧元年追封泗水侯咸淳三年從祀孔廟明嘉靖九年

配享啟聖祠 改稱先賢

西配位

棗強縣志卷十 學校志

六

先賢曾氏 名點字子皙宗聖曾子父唐開元二十七年封宿伯從祀孔廟宋大中祥符元年加封萊

蕪侯明嘉靖九年配 享啟聖祠改稱先賢

先賢孟孫氏 名激宜公魯公族孟孫之後亞聖孟子父元延祐三年追封邾國公明嘉靖九年配

享啟聖祠 改稱先賢

東從祀

先儒周輔成 先賢周子父宋仁宗時桂嶺縣令贈諫議大夫明萬曆二十三年從祀

先儒程珦 先賢二程子父宋仁宗時黃陂尉歷知龔磁漢諸州追封永年伯明嘉靖九年從祀

先儒蔡元定 字季通建陽人先儒蔡子父宋理宗時贈建功郎諡文節明嘉靖九年從祀

西從祀

先儒張迪 先賢張子父宋神宗時知涪州國朝雍正二年從祀

先儒朱松 字喬年先賢朱子父中進士第宋高宗時歷官司勳吏部郎出知饒州元追諡獻靖封齊

國公明嘉靖
九年從祀

謹案宋史禮志真宗大中祥符元年幸曲阜登叔梁氏堂封齊國公元史至順元年加封啟聖王明嘉靖九年詔立啟聖祠題啟聖公孔氏神位以顏曾思孟父為配俱稱先賢某氏以程珦朱松蔡元定從祀後以周輔成張廸從祀

祭器

爵 尊 登 鉶 簠 簋 籩 豆 帛篚 牲俎

樂器

麾 鐘 磬 鼓 搏拊 祝 敔 琴 瑟 笙 排簫 簫 笛 埙 篪

東強縣志卷十 學校志

九

舞器

節 羽 籥 干 戚

案祭器明教諭牛沈裕置銅爵七十五籩豆四百久已無存乾隆十七年知縣單作哲置錫登一錫鉶十錫簠簋各十六木籩豆各六十六木盤十四俎十三今亦殘缺樂器舞器尤年久殘失矣

明倫堂在大成殿北五間前為儀門三間皆南向

案舊志不載堂之創始單志云明宏治八年知縣張環修明倫堂五間嘉靖四年知縣陳言重修鑿井置亭今廢十四年置臥碑於明倫堂內三十九年知縣熊秉元教諭昌應會重修隆慶二年知縣王淑陵

加修整建聚奎樓三間於堂後移敬一箴石於正壁
列視聽言動心五箴石於左右

國朝康熙五年知縣胡夢龍重修乾隆十五年教諭曹
不爭重建其敬一箴視聽言動心五箴列如舊
順治九年禮部題奉

御定臥碑通行各學刊立曉諭生員

朝廷建立學校選取生員免其丁糧厚以廩膳設學院學
道學官以教之各衙門官以禮相待全要養成賢才
以供

朝廷之用諸生皆當上報

國恩下立人品所有教條開列於後

棗強縣志卷十 學校志

三

一生員之家父母賢智者子當受教父母愚魯或有
非爲者子旣讀書明理當再三懇告使父母不陷於
危亡

一生員立志當學爲忠臣清官書史所載忠清事跡
務須互相講究凡利國愛民之事更宜留心

一生員居心忠厚正直讀書方有實用出仕必作良
吏若心術邪刻讀書必無成就爲官必取禍患行害
人之事者往往自殺其身常宜思省

一生員不可干求官長交結勢要希圖進身若果心
善德全上天知之必加以福

一生員當愛身忍性凡有司官衙門不可輕入卽有

切已之事止許家人代告不許干預他人詞訟他人亦不許牽連生員作証

一爲學當尊敬先生若講說皆須誠心領受如有未明從容再問毋妄行辨難爲師者當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

儒學門在學宮之右南向

案舊志順治十二年知縣張鳳起捐俸修葺十四年

棗強縣志卷十 學校志

三

知縣何之圖重修舉人劉元燧撰記

尊經閣在明倫堂北二間南向明倫堂西爲教諭署又西爲訓導署已見建置志公署內

案舊志乾隆十五年教諭曹不爭卽聚奎樓故址建尊經閣以貯頒行書籍

現存書籍

御纂周易折衷二部

欽定書經傳說彙纂二部

欽定詩經傳說彙纂二部

欽定春秋傳說彙纂二部

御纂性理精義二部

日講四書解義一部

御批資治通鑑綱目一部

欽定明史一部

御製平定金川碑文

御製平定準噶爾碑文

御製平定回部碑文

御製詩初集四函

御製詩二集四函

聖諭廣訓一本

上諭三十本

欽定學政全書一部

東強縣志卷十

三

續增學政全書一部

畿輔通志一部

吏部則例一部

學額

文童歲科兩試各額進二十三名

武童歲試額進二十名

廩生二十名

增生二十名

二年一貢

學田

學田地九十三畝四分兩學各半收租以為課士之費

學租地三十二頃四十二畝七分八釐五毫詳田賦志
書院義學附

大原書院舊在縣署西今廢

案舊志明知縣羅廷唯建萬厯初江陵爲政檄毀天下書院遂改爲北察院今仍建董子祠及楊公祠節孝祠皆其地也

麗澤書院在縣西南通明宮

案舊志知縣何之圖建知縣趙杲改義學分董子祭田三十畝爲膏火資

嘉會書院在縣西南大金村

膏火地九十二畝瓦房十五間土房七間乾隆四十

襄強縣志卷十學校志

三

七年工部郎中步登廷創建有袁起莘碑記

縣前義學在董子祠

膏火地四十七畝

縣東義學在忠義祠

膏火地四十七畝

縣西義學在楊公祠

分董子祭田三十畝楊公祭田二十畝爲膏火資

東關義學在文昌祠

膏火地四十七畝

大城義學在縣北

膏火地四十四畝監生常用功經理

良黨義學在縣東北

膏火地四十畝四分

周村義學在縣東北

膏火地二十畝八分

恩察義學在縣南

膏火地二十六畝

大市義學在縣東南

膏火地二十畝

紙房頭義學在縣西南

膏火地二十畝

王灘義學在縣西南

棗強縣志卷十 學校志

膏火地二十畝

崔家莊義學在縣東北

乾隆五十三年監生崔登雲牌民崔廷梗等創建膏

火地二十畝

楊家莊義學在縣西

乾隆十年知縣趙杲創建膏火地二十四畝

松風書塾在縣西灰塚村松風嶺即虛糧塚

嘉慶七年生員陳宗儒牌民陳中振陳可學等創建

陳興禪捐膏火地十五畝